



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 13. Legatio Tartarorum.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.
A. C. 1278.
 subsidium ei tanquam Legato dari solitum augere iussit, ut hic novam dignitatem suam sustinendo par esset. Hieronymus tamen hoc additamentum renuens, dignitatem ipsam non accepit nisi metu offendendi Ordinem suum. Sed quia illum Papa Cardinalem efficiens Fratrum Minorum Ministrum *antehac* Generalem nominabat, ille se Ordinis Præfectura liberatum credidit, novoque Papæ mandato fuit opus, ut muneris functiones prosequeretur. Papa Nicolaus etiam Jordanum de Ursinis fratrem suum puritate morum spectabilem Cardinalem Diaconum tit. S. Eustachii, ac denique Jacobum Columnam magnæ virtutis & maturitatis virum designavit Cardinalem Diaconum tit. S. Mariæ *in via lata*. Id egit rogante Joanne, Columnarum familiæ capite, cognato suo, ut ista Ursinorum profapiæ suppetias ferret contra Annibaldos ipsius inimicos, cum antea hos adjuvisset. Ecce novem Cardinales 12 Martii an. 1278 renunciatos.

Ptol. Luc.
ap. Rayn.
1277. n. 58.
J. Villani.
l. 7. c. 54.

§. XIII.

Legatio Tartarorum.

Haud multo post Papa remisit Legatos Abagæ Tartarorum Cani, a Papa Joanne XXI receptos. Anno 1276 in Franciam delati, cum Rex Philippus sacram

Rayn. 1278.
n. 17.

cram induisset crucem, nationis suæ auxilium ei promiserant, si contra Sarracenos in Syriam moveret. Verum dubitabat Gallia, verine Legati, an exploratores essent: non enim Tartari, sed Georgiani erant Christiani, Tartaris plane obnoxii. Papa tamen hanc Legationem serio accepisse videtur ex epistola ad Abagam 1 April. an. 1278 scripta, in qua ei sanam religionem suadet, Tartaros Christo adjungendi gratia quinque Fratres Minores mittens, Gerardum Pratanum, Antonium Parmensem, Joannem a S. Agatha, Andream Florentinum, & Matthæum Aretinum, quibus amplam fecit potestatem, præsertim tollendi censuras, absolutiones dandi, ac legum gratiam faciendi. Sed effectus hujus missionis non cernimus, etsi legamus, Fratrum Minorum opera multos circa Hungariam Tartaros ad Christi cultum adductos esse, ita, ut Papa Episcopum ibi constituendum duceret.

Sæcul. XIII.
A.C. 1278.

Nang. Chr.
1276.

Vading.
1278. n. 10.

ibid. n. 11.

§. XIV.

*Discordia inter Christianos
Orientis.*

Belli sacri successus aliquis sperari potuisset, si Christiani minus inter se discrepassent. Sed Principes Europæ contra se mutuo armati erant, & Franci trans-